



Independent
Living Centre
of WA (Inc)



Centar za nezavisan život WA (Inc)

Centar za nezavisan život (Independent Living Centre) pruža besplatne i nepristrane informacije i savjete, pomažući vam tako da izaberete proizvod koji vam najbolje odgovara

The Niche, Suite A,11 Aberdare Road, NEDLANDS WA 6009 Telefon: 1300 885 886 Informativna linija: (08) 9381 0608

Izbor kućne dizalice za onesposobljene

Kućne dizalice

Dizalice su dizajnirane da bi se izbjegla potreba ručnog dizanja onesposobljene osobe. Utvrđivanje individualnih potreba kako onesposobljene osobe, tako i njenog staratelja će vam pomoći da donesete odluku o najpovoljnijoj dizalici.


Postoji nekoliko vrsta dizalica koje su trenutno dostupne:

Vrsta dizalice

- pokretna dizalica
- pokretna dizalica – za podizanje u stojeći položaj/na zahod
- plafonska ili fiksna viseća tračna
- na šinama i visokom okviru (tzv. "Gantry"dizalica)
- fiksna, podna ili zidna dizalica
- dizalica za kadu (fiksna ili pokretna)
- dizalica za podizanje u kadu

Vrsta operacije

- dizalica može da bude ručna (hidraulička) ili električna (baterijska)



Pitanja na koja je potrebno obratiti pažnju

Klijent /njegovatelj:

- Kakve su potrebe onesposobljene osobe za transferom?
- Da li je dizalica jednako prikladna kako za onesposobljenu osobu, tako i za staratelja/porodicu?
- Da li je staratelj u stanju gurati i manevrisati dizalicom i visećim sjedalom? (Obuka je neophodna).


Dizalica/prostor u kojem se koristi:

- Ima li u kući dovoljno mjesta za manevrisanje dizalicom između soba, imajući u vidu širinu vratnih okvira, prolaza i mogućnost zaokretanja?
- Ako se dizalica koristi za podizanje osobe u kadi i izvan nje, može li se pričvrstiti ispod kade ili oko nje? Razmislite o mogućnosti korištenja kadnog dizala, fiksne kadne ili plafonske dizalice.
- Kad se baza dizalice maksimalno raširi, može li da ju se smjesti oko zahodske šolje ili ispod stolice?
- Da li je podnožje kreveta dovoljno visoko da bi se baza dizalice mogla slobodno micati ispod kreveta? Ukoliko je potrebno, možete da koristite i krevetne blokove, kojima možete da podignete krevet na veću visinu.
- Kakva bi dizalica bila najprikladnija: mehanička, hidraulička ili električna? Treba da uzmete u obzir jednostavnost korištenja, stupanj uloženog napora i fizičku kondiciju osobe koju je potrebno dizati, tj. koliko je onesposobljena osoba u stanju da pomogne prilikom dizanja
- Koji dijapazon dizalica pokriva? Može li se njome podići osobu sa poda? Da li će se onesposobljena osoba (u visećem sjedalu) moći podići sa kreveta/bolesničkih kolica, dok je dizalica na najvećoj visini?
- Koja vrsta visećeg sjedala će se koristiti sa dizalicom?

- Postoji cijeli niz visećih sjedala koja su dizajnirana za različite svrhe. Dizalice i sjedala, ukoliko ih se pravilno koristi, imaju kapacitet umanjiti rizik prilikom ručnog dizanja.

- Ukoliko će je se koristiti u tepihom pokrivenim prostorima:
Da li će se pokretna dizalica moći nesmetano gurati preko tepiha?
Da li će podno pokrivalo ograničiti njenu pokretljivost?
- Veći kotači omogućavaju lakše kretanje po tepihu, ali u tom slučaju namještaj mora biti viši.
- Ima li u kući dovoljno prostora gdje se dizalica može smjestiti dok nije u upotrebi?
- Da li će je se morati rastaviti?
- Postoji li služba za popravak, ako vam slučajno bude potrebna?
- Baterije u baterijskim dizalicama, moraju da se redovito pune.

U svakom zasebnom slučaju, potrebno je da se najprije sprovede iscrpna revizija potreba klijenta i njegovog staratelja, kao i samog prostora u kojem će se dizalica koristiti, da bi se mogla odabrati adekvatna dizalica i viseće sjedalo koje će se uz nju koristiti.



Gdje nas možete naći:

The Niche
Suite A, 11 Aberdare Road
NEDLANDS WA 6009

Recepcija: (08) 9381 0600
Pozivi iz unutrašnjosti:

1300 885 886

Faks: (08) 9381 0611

www: www.ilc.com.au

© Copyright - Independent Living Centre